



**AGENCIJA ZA OSIGURANJE
U BOSNI I HERCEGOVINI**

**АГЕНЦИЈА ЗА ОСИГУРАЊЕ
У БОСНИ И ХЕРЦЕГОВИНИ**

**INSURANCE AGENCY OF
BOSNIA AND HERZEGOVINA**

Broj:
Sarajevo,

Nacrt

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14), Agencija za osiguranje u Bosni i Hercegovini, *podnosi:*

**IZVJEŠTAJ O RADU
AGENCIJE ZA OSIGURANJE U BOSNI I HERCEGOVINI
ZA 2022. GODINU**

I – UVOD

Agencija za osiguranje u Bosni i Hercegovini (u daljnjem tekstu: Agencija) je samostalna upravna organizacija osnovana Zakonom o Agenciji za osiguranje u Bosni i Hercegovini („Službeni glasnik BiH“, broj 12/04) (u daljnjem tekstu: Zakon). Agencija je nadležna za jedinstvenu primjenu zakona o osiguranju između entiteta, postojanje nesmetane i djelotvorne saradnje između agencija za nadzor osiguranja u Federaciji Bosne i Hercegovine (u daljnjem tekstu: FBiH) i Republici Srpskoj (u daljnjem tekstu: RS), usaglašenost zakona iz oblasti osiguranja u Bosni i Hercegovini (u daljnjem tekstu: BiH) i usaglašenost istih sa zakonodavstvom Evropske unije (u daljnjem tekstu: EU), koordinirano predstavljanje i zastupanje BiH u organizacijama koje se bave osiguranjem na međunarodnom nivou, rješavanje sporova između agencija za nadzor osiguranja u pogledu jedinstvenog tumačenja i primjene zakonodavstva o osiguranju na nivou entiteta i Brčko distrikta Bosne i Hercegovine kao i statistiku o cjelokupnom tržištu osiguranja u BiH. U izvještajnom periodu, Agencija je, u okviru utvrđenog programa „Usklađivanje propisa na tržištu osiguranja u Bosni i Hercegovini“, te kroz dva projekta: „Harmonizacija propisa i arbitraža“ i „Statistički servis i međunarodna saradnja“, realizovala sljedeće aktivnosti:

Harmonizacija propisa i arbitraža

Upravni odbor je u izvještajnom periodu održao tri elektronske sjednice sjednice, i to: 24.02.2022. godine, 10.10.2022. godine i 12.12.2022. godine. Za dnevni red navedenih sjednica Agencija je pripremila i dostavila materijale i akte iz nadležnosti Upravnog odbora, materijale i akte po zaključcima Upravnog odbora, te informisala Upravni odbor o aktivnostima bitnim za rad i funkcionisanje Agencije.

Upravni odbor Agencije za osiguranje u Bosni i Hercegovini (u daljnjem tekstu: Upravni odbor) je na 3. sjednici održanoj 24.02.2022. godine razmatrao „Inicijativu Udruženja

društava za osiguranje u Federaciji Bosne i Hercegovine u pogledu neusaglašenosti propisa iz oblasti osiguranja i nejednakog položaja društava za osiguranje između entiteta Federacije BiH i Republike Srpske". U vezi sa ovom Inicijativom Upravni odbor je donio zaključke, kojim se konstatuje da je istu primio k znanju, te je zadužio Agenciju da Inicijativu dostavi entitetskim ministarstvima finansija na upoznavanje. Upravni odbor je na 3. sjednici razmatrao i "Informaciju o stupanju na snagu Zakona o izmjeni Zakona o osiguranju i Zakona o izmjeni Zakona o obaveznim osiguranjima u saobraćaju i o Obavijesti Federalnog ministarstva finansija." U vezi sa ovom Informacijom Upravni odbor je donio zaključke, kojima se konstatuje da je usvojenim Zakonom o izmjeni Zakona o obaveznim osiguranjima u saobraćaju Federacije Bosne i Hercegovine u odnosu na Zakon o obaveznim osiguranjima u saobraćaju ("Službeni glasnik RS", broj 78/20) očuvana međuentitetska usaglašenost u pogledu rokova postepene liberalizacije u ovoj vrsti osiguranja. Takođe Upravni odbor je konstatovao da se usvojenim Zakonom o izmjeni Zakona o osiguranju Federacije Bosne i Hercegovine otklanja neusaglašenost odredbi zakona koje se odnose na poslovanje stranih društava za osiguranje i reosiguranje u BiH, uvažavajući obrazloženje Federalnog ministarstva finansija u pogledu poštivanja propisa za izradu zakona, cijeneći da odredbe u zakonima ne mogu biti sa neodređenim rokovima (kao što je do ulaska u EU), te je Agencija o navedenom informisala Federalno ministarstvo finansija.

Na 3. sjednici Upravni odbor je razmotrio i upoznao se sa: Prijedlogom Programa rada Agencije za osiguranje u Bosni i Hercegovini za 2021. godinu, Prijedlogom Izvještaja o radu Agencije za osiguranje u Bosni i Hercegovini za 2021. godinu i Prijedlogom Programa rada Agencije za osiguranje u Bosni i Hercegovini za 2022. godinu.

Na 3. i 4. sjednici Upravni odbor razmatrao je i dopis Biroa zelene karte u Bosni i Hercegovini (u daljnjem tekstu: BZKuBiH), te je donio zaključak kojim se od entitetskih ministarstava finansija traži informacija o postojanju potencijalnog rizika vezanog za članstvo u BZKuBiH, koje nije eksplicitno propisano entitetskim zakonima, i eventualno sljedećim koracima koji se planiraju poduzeti u odnosu na navode dopisa BZKuBiH.

Upravni odbor je na 4. sjednici održanoj 10.10.2022. godine razmatrao Informaciju o dokumentu "Zajednički zaključak kojim se predlaže upućivanje inicijative za izmjenu odredbe člana 11. Zakona o obaveznim osiguranjima u saobraćaju Federacije Bosne i Hercegovine i člana 12. Zakona o obaveznim osiguranjima u saobraćaju Republike Srpske", - akt Udruženja društava za osiguranje u Federaciji Bosne i Hercegovine, te je usvojio zaključak da Agencija navedeni akt uputi entitetskim ministarstvima finansija.

Na 4. sjednici Upravni odbor je razmatrao *Nacrt Pravilnika o rješavanju sporova u oblasti osiguranja, te je donio zaključak kojim se konstatuje da isti nije usvojen.*

Na 4. sjednici Upravni odbor je razmotrio i odobrio Elemente Agencije za osiguranje u Bosni i Hercegovini za 2023.-2025. godinu i Prijedlog Programa rada Agencije za osiguranje u Bosni i Hercegovini za 2023. godinu.

Upravni odbor je na održanim sjednicama u izvještajnom periodu razmatrao Prijedlog Analize usklađenosti entitetskih zakona kojima se uređuje rad društava za osiguranje, koja će se nakon dorade i odobravanja od strane Upravnog odbora uputiti entitetskim ministarstvima finansija.

BZKuBiH je na zahtjev Agencije, istoj dostavio Informaciju od 04.01.2022. godine u kojoj je naveo aktivnosti koje je provodio u pogledu ispunjavanja uslova prema Vijeću biroa od 17.01.2020. godine do 04.01.2022. godine.

U izvještajnom periodu je održano više radno-konsultativnih sastanaka sa relevantnim institucijama u Bosni i Hercegovini, a neke od njih su: Agencija za nadzor osiguranja Federacije Bosne i Hercegovine, Agencija za osiguranje Republike Srpske, Zaštitni fond Federacije Bosne i Hercegovine, Ministarstvo vanjske trgovine i ekonomskih odnosa Bosne i Hercegovine, Ministarstvo pravde Bosne i Hercegovine, Ministarstvo finansija i trezora Bosne i Hercegovine, Generalni sekretarijat Vijeća ministara Bosne i Hercegovine, Direkcija za evropske integracije Vijeća ministara Bosne i Hercegovine, Ured za reviziju institucija Bosne i Hercegovine, Centralna jedinica za internu reviziju Ministarstva finansija i trezora Bosne i Hercegovine, Direkcija za ekonomsko planiranje Vijeća ministara Bosne i Hercegovine i Agencija za prevenciju korupcije i koordinaciju borbe protiv korupcije Bosne i Hercegovine.

Međunarodna saradnja i statistički servis

U okviru priprema za Šesti sastanak Pododbora za unutrašnje tržište i konkurenciju, uključujući zaštitu i zdravlje potrošača, koji je planiran da se održi dana 28.02.2023. godine putem video konferencije, Agencija je sačinila dopunu priloga, kao i korigovala dopunu priloga za Dokument za diskusiju za 6. sastanak Pododbora za unutrašnje tržište i konkurenciju uključujući zaštitu zdravlja i potrošača u dijelu "7.2 Osiguranje i strukovne penzije", kao i dopunu predložene Liste delegacije BiH za ovaj sastanak.

U izvještajnom periodu predstavnici Agencije su učestvovali u radu šest radnih grupa za evropske integracije, i to: Radna grupa za Poglavlje 9-Finansijske usluge, Radna grupa za Poglavlje 18-Statistika, Radna grupa za Poglavlje 3-Pravo poslovnog nastana i sloboda pružanja usluga, Radna grupa za Poglavlje 4-Slobodno kretanje kapitala, Radna grupa za ekonomske kriterijume i Radna grupa za Poglavlje 17-Ekonomska i monetarna politika. U okviru navedenih radnih grupa, tokom 2022. godine su se odvijale aktivnosti na izradi Programa integrisanja Bosne i Hercegovine u Evropsku uniju.

Agencija je sačinila Godišnji izvještaj za 2021. godinu o tržištu osiguranja u BiH, koji je obuhvatio podatke i pokazatelje prema podacima koji su dobijeni od entitetskih agencija za nadzor osiguranja kao i ostalih relevantnih institucija. Izvještaj je u elektronskoj formi dostupan na stranici Agencije: www.azobih.gov.ba. Štampano izdanje Godišnjeg izvještaja dostavljeno je korisnicima u zemlji i inostranstvu, a skraćena verzija objavljena je u službenim glasilima BiH. U toku 2022. godine, Agencija je na svojoj službenoj web stranici objavljivala kvartalne podatke o premijama osiguranja, štetama, rangiranju društava za osiguranje i koncentraciji tržišta u skladu sa raspoloživim podacima. Agencija je u cilju realizacije planiranih aktivnosti za 2022. godinu i unaprijeđenja saradnje sa međunarodnim institucijama, asocijacijama i organizacijama iz oblasti osiguranja učestvovala na raznim seminarima, konferencijama i sastancima. Neke od njih su „Hrvatski dani osiguranja - HDO 2022“, „Susret osiguravača i reosiguravača - SorS 2022“, „Dani osiguranja u BiH 2022“, „Insurance between Scylla and Charybdis: Searching for the Right Direction“ „Dani osiguranja Republike Srpske 2022“ , Samit Međunarodnih Supervizora Osiguranja (IAIS), kao i prisustvovanje sastancima sa predstavnicima EIOPe i agencija supervizora Zapadnog Balkana i CESEE ISI. U cilju nastavka i unaprijeđenja međusobne saradnje između Agencije i entitetskih agencija za nadzor osiguranja održani su sastanci na teme tehničke pomoći, mogućnosti potpisivanja memoranduma o saradnji za razmjenu informacija kao članstvu u

IAIS i o prijedlogu standarda statističkog izvještavanja. Vijeće ministara Bosne i Hercegovine je 18. marta 2022. godine donijelo Rješenje o imenovanju članova i zamjenskih članova radne grupe i podgrupe, između kojih je i podgrupa 5 za procjenu ranjivosti sektora osiguranja od pranja novca i finansiranja terorističkih aktivnosti. U toku 2022. godine, u okviru Radne grupe za nacionalnu procjenu rizika od pranja novca i finansiranja terorizma i Podgrupe 5, Agencija je putem svojih predstavnika aktivno učestvovala na sastancima i obukama koje je organiziralo Ministarstvo sigurnosti Bosne i Hercegovine. U cilju izrade dopune Procjene rizika od pranja novca i finansiranja terorizma u Bosni i Hercegovini za period 2021-2023. godine i Akcionog plana za borbu protiv pranja novca i finansiranja terorizma u Bosni i Hercegovini za period 2021-2023. godine a u skladu sa preporukama FATF-a i Moneyval-a, Agencija je u saradnji sa predstavnicima drugih institucija i na osnovu podataka dobijenih od entitetskih agencija za nadzor osiguranja i publikacije Statistika tržišta osiguranja za 2021. godinu, sačinila dio nacionalne procjene koji se odnosi na Bosnu i Hercegovinu. Vijeće ministara Bosne i Hercegovine na 57. sjednici održanoj dana 9. 11. 2022. godine usvojilo je Informaciju Ministarstva sigurnosti Bosne i Hercegovine o mogućnosti osiguranja u slučaju prirodnih nesreća u Bosni i Hercegovini, čime se žele stvoriti uslovi da se sistemski olakša saniranje šteta od prirodnih ili drugih nesreća. Na osnovu informacije od strane Ministarstva sigurnosti Bosne i Hercegovine „predlaže se vladama Republike Srpske, Federacije Bosne i Hercegovine i Brčko distrikta Bosne i Hercegovine da, u saradnji sa Agencijom za osiguranje u Bosni i Hercegovini, kao i nadležnim institucijama i tijelima na svim nivoima vlasti u Bosni i Hercegovini, finansijskim institucijama, osiguravajućim i reosiguravajućim društvima, definišu prijedlog modela osiguranja od prirodnih i drugih nesreća u Bosni i Hercegovini za sve tržišne segmente (kućanstva, javne ustanove, preduzeća, poljoprivredne proizvođače i dr.)“ i pripreme i izvrše usklađivanja potrebnih zakonskih regulativa. Prema navedenom saopštenju, „Agencija za osiguranje u Bosni i Hercegovini zadužena je da pruži stručnu podršku nadležnim institucijama u Bosni i Hercegovini u vezi s utvrđivanjem modela osiguranja u slučaju prirodnih nesreća“, gdje je Ministarstvo sigurnosti zaduženo da zaključke dostavi vladama entiteta i Brčko distriktu Bosne i Hercegovine i Agenciji za osiguranje u Bosni i Hercegovini.

Ostale aktivnosti Agencije

Prijedlog Pravilnika o unutrašnjoj organizaciji Agencije za osiguranje u Bosni i Hercegovini (u daljnjem tekstu: Prijedlog Pravilnika) sa postojećim brojem izvršilaca, odnosno dopuna ranije dostavljenog materijala, dostavljen je 25.07.2021. godine Vijeću ministara Bosne i Hercegovine na saglasnost i isti nije razmatran u izvještajnom periodu na sjednici Vijeća ministara Bosne i Hercegovine.

Na web stranici Agencije objavljuju se dokumenti značajni za funkcionisanje i rad Agencije. U toku 2022. godine objavljeni su dokumenti u skladu sa Odlukom o godišnjem planiranju rada načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) (u daljnjem tekstu: Odluka). U skladu sa Odlukom, Agencija je sačinila Prijedlog Programa rada Agencije za osiguranje u Bosni i Hercegovini za 2023. godinu, kao i Prijedlog Izvještaja o radu Agencije za osiguranje u Bosni i Hercegovini za 2021. godinu i za iste obavila konsultacije i pribavila mišljenje nadležnih institucija. Ured za reviziju institucija Bosne i Hercegovine (u daljnjem tekstu: Ured za reviziju) počev od 06.04.2022. godine izvršio je završnu finansijsku reviziju Agencije za 2021. godinu u Agenciji i sačinio Izvještaj o finansijskoj reviziji te izrazio pozitivno mišljenje na finansijske izvještaje Agencije i pozitivno mišljenje na usklađenost poslovanja. Ured za reviziju je, u

periodu 11.11.-15.11.2022. godine, obavio predreviziju u Agenciji za period 01.01.-30.09.2022. godine.

Analiza osnovnih problema i izazova za izvršenje programa rada

I dalje je prisutan rizik nedovoljnih kadrovskih kapaciteta Agencije, u smislu specifičnih radnih mjesta i broja izvršilaca, zbog kojih je realizacija programskih aktivnosti u okviru planiranih rokova bila otežana.

U dijelu statističkog servisa proces prikupljanja i obrade statističkih podataka se vrši ručno uz pomoć Excel tabela, tako da postoji rizik pravljenja grešaka i sporijeg procesa obrade statističkih podataka.

II - IZVJEŠTAJ O PROVOĐENJU AKCIONOG PLANA GODIŠNJEG PROGRAMA RADA AGENCIJE ZA OSIGURANJE U BOSNI I HERCEGOVINI ZA 2022. GODINU
Opći cilj/ princip razvoja: Integrirani rast

Strateški cilj: Unaprijediti razvoj konkurentnog ekonomskog okruženja

Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije

Programi, projekti i aktivnosti	Nosilac aktivnosti (organizaciona jedinica)	Pokazatelji				Izvori finansiranja i troškovi			Vrijeme provođenja		Komentar
		Jedinica mjerenja (% broj ili opisno)	Polazna vrijednost 2021	Ciljana vrijednost 2022	Ostvarena vrijednost na kraju 2022	Izvori finansiranja (budžet, krediti, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal u kojem je aktivnost provedena	
1	2	3	4	5	6	7	8	9	10	11	12
1.1. Usklađivanje propisa na tržištu osiguranja u Bosni i Hercegovini											
1.1.1 Harmonizacija propisa i arbitraža											
1.1.1.1. Tabela usklađenosti odredaba entitetskih zakona u oblasti osiguranja u Bosni i Hercegovini sa propisom Evropske unije	Odjeljenje za pravne i administrativno-tehničke poslove	Tabela dostavljena direktorici Agencije	1	1	0	Budžet	43.583	50.114	I - IV	-	Aktivnost nije realizovana
		Tabela odobrena	1	1	0						

1.1.1.2. Analiza, odnosno ažurirana analiza usaglašenosti entitetskih zakona iz oblasti osiguranja u Bosni i Hercegovini, međusobno i sa relevantnim zakonodavstvom Evropske unije ili na osnovu sačinjene analize usaglašenost, odnosno ažurirane analize usaglašenosti, izrada smjernice, odnosno ažurirane smjernice za ocjenu usaglašenosti entitetskih zakonodavstava iz oblasti osiguranja u Bosni i Hercegovini	Odjeljenje za pravne i administrativno-tehničke poslove i Upravni odbor Agencije	Analiza, odnosno ažurirana analiza ili smjernica, odnosno ažurirana smjernica dostavljena Upravnom odboru	1	1	1	Budžet	43.583	50.114	I - IV	-	Realizacija aktivnosti u toku Upravni odbor je na održanim sjednicama u izvještajnom periodu razmatrao Prijedlog Analize usklađenosti entitetskih zakona kojima se uređuje rad društava za osiguranje, koja će se nakon dorade i odobravanja od strane Upravnog odbora uputiti entitetskim ministarstvima finansija.
		Usvojena analiza, odnosno ažurirana analiza ili smjernica, odnosno ažurirana smjernica od strane Upravnog odbora	1	1	0						
1.1.1.3. Saglasnost na nacrt/prijedloge zakona i izmjene i dopune entitetskog zakonodavstva iz oblasti osiguranja	Odjeljenje za pravne i administrativno-tehničke poslove i Upravni odbor Agencije	Omjer broja pripremljenih materijala za UO u odnosu na broj dostavljenih zahtjeva za saglasnost	0	100%	100%	Budžet	43.583	50.114	I - IV	-	Aktivnost realizovana U 2022. godini nije bilo donošenja novih zakona. Upravni odbor je na 3. sjednici razmatrao i "Informaciju o stupanju na snagu Zakona o izmjeni Zakona o osiguranju i Zakona o izmjeni Zakona o obaveznim osiguranjima u saobraćaju i o Obavijesti Federalnog ministarstva finansija." U vezi sa ovom Informacijom Upravni odbor je donio zaključke, kojima se konstatuje da je usvojenim Zakonom o izmjeni Zakona o obaveznim osiguranjima u saobraćaju Federacije Bosne i Hercegovine u odnosu na Zakon o obaveznim osiguranjima u saobraćaju ("Službeni glasnik RS", broj 78/20) očuvana

		Omjer broja odluka u odnosu na broj pripremljenih materijala	0	100%	0						međuentitetska usaglašenost u pogledu rokova postepene liberalizacije u ovoj vrsti osiguranja. Takođe Upravni odbor je konstatovao da se usvojenim Zakonom o izmjeni Zakona o osiguranju Federacije Bosne i Hercegovine otklanja neusaglašenost odredbi zakona koje se odnose na poslovanje stranih društava za osiguranje i reosiguranje u BiH, uvažavajući obrazloženje Federalnog ministarstva finansija u pogledu poštivanja propisa za izradu zakona, cijeneći da odredbe u zakonima ne mogu biti sa neodređenim rokovima (kao što je do ulaska u EU).
1.1.1.4. Održavanje radno-konsultativnih sastanaka sa relevantnim institucijama u Bosni i Hercegovini, a to su: Agencija za osiguranje Republike Srpske, Agencija za nadzor osiguranja FBiH, Agencija za osiguranje RS, FMF, MFRS, Udruženje društava za osiguranje Republike Srpske, BZKuBiH, UDO FBiH, Udruženje društava za osiguranje Republike Srpske, MVTEO, MP BiH, MFTBiH, GSVMBiH, DEI, Ured za reviziju institucija Bosne i Hercegovine, Centralna jedinica za internu reviziju MFTBiH, APIK, a po potrebi i sa drugim institucijama.	Agencija	Omjer broja održanih sastanaka u odnosu na broj potrebnih	100%	100%	100%	Budžet	43.583	50.114	I - IV		Aktivnost realizovana
1.1.1.5. Aktivnosti u vezi sa obavezama Agencije proisteklim iz aplikacije Bosne i Hercegovine za članstvo u Evropskoj uniji	Agencija	Omjer broja realiziranih aktivnosti u odnosu na broj potrebnih	%	100%	100%	Budžet	43.583	50.114	I - IV	-	Aktivnost realizovana
1.1.2. Statistički servis i međunarodna saradnja											

1.1.2.1. Učešće na sastancima međunarodnih asocijacija, konferencijama i skupovima	Odjeljenje za međunarodnu saradnju, finansije, statistiku i aktuarstvo	Broj održanih sastanaka	21	22	21	Budžet	65.375	83.523	I - IV	I - IV	Aktivnost realizovana Agencija je u cilju unaprijedenja saradnje sa međunarodnim institucijama, asocijacijama i organizacijama iz oblasti osiguranja učestvovala na raznim seminarima, konferencijama, sastancima i radionicama. Neke od njih su konferencija na temu „Hrvatski dani osiguranja 2022“, „Procjena rizika od pranja novca i finansiranja terorizma u Bosni i Hercegovini“, „Izazovi zakona o obaveznim osiguranjima u prometu“, „Istočno Evropski Investment forum Trst“, „Susret osiguravača i reosiguravača - SorS 2022“, „Dani osiguranja u BiH 2022“, „Insurance between Scylla and Charybdis: Searching for the Right Direction“, „Dani osiguranja Republike Srpske - DORS“, Samit Međunarodnih supervizora osiguranja (IAIS), kao i prisustvovanje sastancima sa predstavnicima EIOPe i agencija supervizora Zapadnog Balkana i CESEE ISI.
1.1.2.2. Kreiranje i dostavljanje izvještaja i informacija relevantnim institucijama o stanju u sektoru osiguranja	Odjeljenje za međunarodnu saradnju, finansije, statistiku i aktuarstvo	Dostavljeni izvještaji i informacije	8	10	10	Budžet	65.375	83.523	I - IV	I - IV	Aktivnost realizovana Informacije i odgovori na upite dostavljeni Parlamentarnoj skupštini BiH, Direkciji za evropske integracije, Centralnoj banci BiH, Udruženju osiguravača Austrije, XPRIMMu, Agenciji za statistiku BiH, Službenim novinama, Nacionalnoj i univerzitetskoj biblioteci BiH, Ekonomskom fakultetu Sarajevo
1.1.2.3. Prikupljanje, obrada, objavljivanje i distribucija statističkih izvještaja	Odjeljenje za međunarodnu saradnju, finansije, statistiku i aktuarstvo	Statistički izvještaji	4	4	3	Budžet	65.375	83.523	I - IV	I - IV	Aktivnost realizovana

III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA AGENCIJE ZA OSIGURANJE U BOSNI I HERCEGOVINI ZA 2022. GODINU

Opći cilj/ princip razvoja: Integrisani rast

Strateški cilj: Unaprijediti razvoj konkurentnog ekonomskog okruženja

Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije

Naziv zakona	Vrijeme provođenja		Status zakona zaključno sa 31.12.2022. godine				Komentar
	Planirani kvartal za provođenje aktivnosti	Kvartal u kojem je aktivnost provedena	Upućen VM BIH (DA/NE)	Usvojen na VM BIH (DA/NE)	Procedura u PS BIH (DA/NE)	Usvojen u PS BIH (DA/NE)	
			4	5	6	7	
1	2	3	4	5	6	7	8
1.1. Usklađivanje propisa na tržištu osiguranja u Bosni i Hercegovini							
1.1.1 Harmonizacija propisa i arbitraža							
Zakon o izmjenama i dopunama Zakona o Agenciji za osiguranje u Bosni i Hercegovini	I-IV	–	NE	NE	NE	NE	Realizacija aktivnosti u toku.

IV - IZVJEŠTAJ O IZRAĐENIM PODZAKONSKIM AKTIMA PLANIRANIH PROGRAMOM RADA AGENCIJE ZA OSIGURANJE U BOSNI I HERCEGOVINI ZA 2022. GODINU							
<i>Opći cilj/ princip razvoja:</i> Integrisani rast							
<i>Strateški cilj:</i> Unaprijediti razvoj konkurentnog ekonomskog okruženja							
<i>Srednjoročni cilj:</i> Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije							
Naziv podzakonskog akta	Vrijeme provođenja		Status podzakonskog akta zaključno sa 31.12.2022.				Komentar
	Planirani kvartal za provođenje aktivnosti	Kvartal u kojem je aktivnost provedena	Upućen VM BIH (DA/NE)	Usvojen na VM BIH (DA/NE)	Procedura u PS BIH (DA/NE)	Usvojen u PS BIH (DA/NE)	
1	2	3	4	5	6	7	8
1.1. Usklađivanje propisa na tržištu osiguranja u Bosni i Hercegovini							
1.1.1 Harmonizacija propisa i arbitraža							
Pravilnik o postupcima za rješavanje sporova u oblasti osiguranja	I-IV	–	NE	NE	NE	NE	Na 4. sjednici Upravni odbor je razmatrao <i>Nacrt Pravilnika o rješavanju sporova u oblasti osiguranja, te je donio zaključak kojim se konstatuje da isti nije usvojen.</i>

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA AGENCIJE ZA OSIGURANJE U BOSNI I HERCEGOVINI ZA 2022. GODINU

Opći cilj/ princip razvoja: Integrisani rast

Strateški cilj: Unaprijediti razvoj konkurentnog ekonomskog okruženja

Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije

Naziv međunarodnog ugovora	Vrijeme provođenja		Status međunarodnog ugovora zaključno sa 31.12.2022. godine				Komentar
	Planirani kvartal za provođenje aktivnosti	Kvartal kada je aktivnost provedena	Upućen VM BIH (DA/NE)	Usvojen na VM BIH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	
1	2	3	4	5	6	7	8

Programom rada Agencije za osiguranje u Bosni i Hercegovini za 2022. godinu nije planirano zaključivanje međunarodnih ugovora.

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA AGENCIJE ZA OSIGURANJE U BOSNI I HERCEGOVINI ZA 2022. GODINU				
<i>Opći cilj/ princip razvoja:</i> Integrisani rast				
<i>Strateški cilj:</i> Unaprijediti razvoj konkurentnog ekonomskog okruženja				
<i>Srednjoročni cilj:</i> Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije				
Naziv projekta javnih investicija	Vrijeme realizacije		Status (ZAVRŠENO, U POSTUPKU, ODLOŽENO, PREKINUTO)	Komentar
	Očekivani period realizacije	Završen (DA/NE)		
<i>1</i>	<i>2</i>	<i>3</i>	<i>4</i>	<i>5</i>
Programom rada Agencije za osiguranje u Bosni i Hercegovini za 2022. godinu nije planirana realizacija javnih investicija.				

VII – IZVJEŠTAJ O PROVEDENIM KONSULTACIJAMA KOD IZRADE GODIŠNJEG IZVJEŠTAJA O RADU AGENCIJE ZA OSIGURANJE U BOSNI I HERCEGOVINI

Na osnovu člana 22. Pravila za konsultacije u izradi pravnih propisa („Službeni glasnik BiH“, broj 5/17) Agencija za osiguranje u Bosni i Hercegovini je za tekst Nacrta Izvještaja o radu Agencije za osiguranje u Bosni i Hercegovini za 2022. godinu provela javne konsultacije u periodu od _____.2023. godine do _____.2023. godine putem web stranice AZOBiH www.azobih.gov.ba kao i web aplikacije eKonsultacije. U navedenom periodu Agencija za osiguranje u Bosni i Hercegovini nije zaprimila primjedbe i prijedloge na tekst Nacrta Izvještaja o radu Agencije za osiguranje u Bosni i Hercegovini za 2022. godinu.

DIREKTORICA

Emina Jahić